



Korona pravila

Od 17. novembra 2020.

KAKO BI SE SPRIJEČILO ŠIRENJE KORONA-VIRUSA, OD 17. NOVEMBRA 2020. VAŽE JOŠ STROŽIJA PRAVILA KOJA OSTAJU NA SNAZI BAR DO 6. DECEMBRA 2020.

- U cijeloj Austriji važi ograničenje kretanja (od 0 do 24 sata). Izuzeci su na primjer put do posla i s posla, obavljanje neophodnih kupovina, pružanje pomoći onima kojima je potrebna i bavljenje sportom, odnosno kretanje na svježem zraku.
- Uz to važi ograničavanje kontakata: osobe iz jednog domaćinstva smiju se sresti sa samo jednom osobom iz drugog domaćinstva (npr. s partnerom s kojim neko ne živi zajedno ili s osobom s kojom je i inače često u bliskom kontaktu)
- Otvorene su samo prodavnice koje služe zadovoljavanju svakodnevnih potreba, kao na primjer supermarketi, drogerije, apoteke, banke, pošte, benzinske pumpe i trafike. Radno vrijeme tih lokala je između 6 i 19 sati.
- Škole su prešle na nastavu preko kompjutera, ali organiziraju brigu o onoj djeci kojoj je ona neophodna.
- Vrtići takođe nude organiziranju brigu o djeci ako je to nužno.
- U ustanovama za njegu po stanaru je dozvoljen samo jedan posjetilac sedmično. U bolnicama važi isto, ali jedino ako pacijent ostaje duže od sedam dana. Izuzeci su djeca, hendikepirane osobe i trudnice.
- Sportski tereni, hale i kupališta su zatvoreni, osim za profesionalne sportiste.

I dalje važi:

- Boravite po mogućnosti u svom stanu.
- U javnim zatvorenim prostorima (na primjer u kupovini) morate nositi zaštitu za usta i nos i držati rastojanje od najmanje jedan metar od drugih osoba. To važi i prilikom korišćenja javnog prijevoza.
- Na javnim mjestima držite najmanje metar razmaka od osoba koje ne žive s vama u zajedničkom domaćinstvu i nosite zaštitu za usta i nos.
- Ugostiteljski lokali su zatvoreni. Jela i pića se mogu poručivati i preuzimati između 6 i 19 sati ili dobijati preko službi za dostavu.
- Sve privatne proslave kao što su svadbe, godišnjice ili rođendani su zabranjene. Pogrebi se održavaju, ali na njima ne smije učestvovati više od 50 osoba.
- Sve kulturne manifestacije su otkazane. Zatvorena su sva pozorišta, kina i koncertne dvorane.

Ostale informacije ćete naći na stranici Saveznog ministarstva za zdravlje, njegu i zaštitu potrošača:
[Bundesministeriums für Soziales, Gesundheit, Pflege und Konsumentenschutz](#)